



Jon Domenic Parolini, dr. sc. techn. ETH
Cussegliaer guvernativ
Quaderstrasse 17, 7001 Cuir
Tel. 081 257 27 01
jondomenic.parolini@ekud.gr.ch
www.ekud.gr.ch

Departament d'educaziun, cultura e protecziun da l'ambient
schef dal departament, Quaderstrasse 17, 7001 Cuir

Purtaders da las scolas publicas e
privatas (scolina, scola primara,
scola reala e secundara, instituziuns
da la scola speziala)

Cuir, ils 6 avust 2020

Cumenzament onn da scola 2020/21: dumondas da manaschi da scola e sanadad

Stimadas presidentas e stimads presidents dals cussegls da scola

Stimadas manadras e stimads manaders da scola

Stimadas scolastas e stimads scolasts

L'onn da scola 2019/20 è stà en tuts regards extraordinari e pretensius. Dapi il mars passà è vegnì dumandà da tut las persunas participadas a la scola populara cuntinuadamain pazienza, perseveranza, creatividad e flexibilitad. Ensemen avain nus surventschì bain quest semester d'obstachels.

Jau sper che Vus hajas pudì giudair las vacanzas da stad meritadas e che Vus as hajas pudì puspè rinforzar per cumenzar l'onn da scola nov, pertge che la pandemia da COVID-19 ans occupa vinavant.

Gia ils 25 da zercladur 2020 ha decis la Conferenza svizra dals directurs chantunals da l'educaziun publica (CDEP/EDK) in occasiun da l'assemblea plenara che l'onn scolastic 2020/21 vala sco onn da scola regular e che l'instrucziun vegna manada cun classas cumplainas. Il plan d'instrucziun, las prescripziuns areguard ils meds d'instrucziun, la promoziun d'emprender, la valitaziun sco era il proceder da promoziun e d'admissiun vegnan realisads segund la basa legala vertenta.

Era las prescripziuns da l'Uffizi federal da sanadad publica (UFSP/BAG) actualisadas areguard las mesiras da cumportament e d'igièna e la persecuziun retrospectiva dals contacts èn da respectar.

Sco agiunta a questa brev survegnis Vus l'indeschavla ediziun da 'Scola malgrà corona'. Questa sclerescha las dumondas principalas en connex cun la sanadad e cun il manaschi da scola. En spezial è era da chattar respostas en cas ch'i dat tests positivs da scolaras e scolars resp. collavuratur da la scola populara.

Il document sa basa sin il stadi actual ed è vegnì formulà en stretga collavuraziun cun l'Uffizi da sanadad dal Grischun resp. cun la media chantunala.

Il departament persequitescha in manaschi regular per la scola populara. Il svilup da la pandemia na vegn betg a lubir adina ina regularitad usitada, q.v.d. prescripziuns e recumandaziuns da la confederaziun e dal chantun pon midar svelt. En il rom da las directivas chantunalas han las scolas da prender decisiuns pragmaticas en connex cun la situaziun da COVID-19.

Jau As giavisch in bun cumenzament da scola 2020/21 ed As engraziel gia ussa per Vossa lavur indispensabla e preziusa a favur dals uffants e giuvenils in noss chantun.

Salids amicabels



dr. Jon Domenic Parolini
Cussegliaer guvernativ